



南齋先生魏文靖公摘稿卷之八

後集

寧國縣知縣前纂修國史鴻臚寺序班思完編次
通奉大夫福建布政使司左布政使孫壻洪鐘校摘

祭文

祭贈尚書工部侍郎王公永和文

嗚呼見危授命君子所期公今既得死又何悲矧有賢
胤芝蘭玉樹接武清班孰而起是則公之死也又豈
不謂之不死者邪我丞相知莫此一尊侑以此辭聞乎
不聞

祭徐尚書文

嗚呼公以學行早掇巍科既躋臚仕出入鑿坡遠事
五朝始終一日功業之著人鮮能及有子有孫壽亦有
年正寢而斃抑何憾焉我念與公契誼金石四十載間
淡而愈密彼倡此和正直是資有得相告有失相規訂
約西湖同樂休致孰謂別來公遽長逝蒼天蒼天胡不
愍遺俾相知者孰不傷悲我媿衰邁臨輒弗及緘辭寓
哀、何可極嗚呼哀哉

祀始遷二祖文

仰惟二祖開基創業自汴而吳自吳而越垂裕子孫其
來繩、爰居爰處是依是憑屆茲新春四序之始追惟

慶源用伸祀事

祭駱溪園文

惟公德豐而厚學贍而精惟謙惟慎不伐不矜所安者
泉石不嗜者功名詩書酷好喜怒不形究其蘊諸中者
無所不備使其達之用也無所不能田園井、子孫繩
繩富而不吝民飢之恤賑義而聿致 天寵之褒旌上
壽是臻無疾而傾若公之享有全福含笑而歸者世其
有幾人而可並稱也某辱相知心孚意契頭白如新猶
魚於水茲聞發引執紼乃禮水遠山長老莫可致謹遣
頑兒奠以牢醴決別千古哀何可已嗚呼哀哉

祭宋蕭山知縣揚文靖公文二首

道傳程子湖浚蕭山有扶世立教之功有禦蓄捍患之德魏、廟貌千古斯存維時仲冬用伸薄奠尚享
惟公游心聖學立雪賢門獲傳斯道歸啓後人至若鑿湖潞水貽此民澤作辨闢邪除彼經賊高風不泯遺跡可徵匪牧民之卓魯實衛道之周程時維仲春式陳明薦匪殺之馨惟誠是獻

告祖文

維成化三年歲次丁亥十一月初六日戊辰資善大夫南京吏部尚書致仕奉 詔進階榮祿大夫孝玄孫驥

敢昭告于 高曾祖考妣之靈曰驥仰 祖宗餘慶驥次子完忝以儒士膺薦預修 英宗睿皇帝實錄告成欽蒙 聖上莫大之恩授以鴻臚序班官清事簡日覲天顏祿食優游實出過分尚祈 祖宗保佑俾恪恭所職益慎益勤永圖補報以振家聲敢 告

贊

贈尚書工部侍郎王公永和像贊

貌豐而腴氣平而舒淵乎識量廓乎規模維恭維謹不肆不迂遭逢則際乎 聖明之世敷歷則顯乎 禁近之區值茲胡虜忽犯邊隅扈 駕親征擁節前驅矢石

不避腥羶誓除見危授命竟殞其軀聿致榮膺與名
顯策書噫觀公之居廟廊於生於死其所為所致豈非
得大臣之體而無忤無愧者乎

徐山澤像贊

純乎其質浩乎其氣所富者詩書所篤者仁義居山澤
以安其所樂任師儒以遂其所志維忠維敬無忤無媿
噫斯其為一鄉之名士鉅族之偉器也

吏部尚書曹公像贊

鶴髮童顏茜袍烏帽所飽者詩書所存者忠孝魏乎
人物之權衡堂乎廟堂之體貌矧姓名嘗題於金榜

才華誕著于詞林敷歷五朝終始一心是宜位躋冢
宰端笏垂紳而不媿其步玉登金也

河南按察使朱公像贊

盛世之英名門之裔玉質冰姿雄才偉器所敦尚者詩
禮所持守者廉公發軔鄉薦振鐸學宮宰花縣而致民
懷歷霜臺而得憲體允副所托不愧所志膺優渥之
寵眷蜚赫奕之英聲不伐不施靡驕靡矜于以為古君
子于以為名憲使至蹟表竊焉封名昭青史而流芳于千
百世也

揚州府知府陸公行樂像贊名傳

具廊廟之威儀負山林之適趣不以富貴為榮不以蕭
閒為鄙白雲縹緲青山嶙峋歌吾之好咏吾之真悠々
胸次皎々心神靡和者光靡同者塵蓋將尚友於古之
人者耶

自贊

三十而出仕八十而投簪叨厯清要媿乏忠忱幸
五朝之是事奈二毛之忽侵謝彼廊廟樂此山林枕泉
漱石引鶴携琴或徙倚長松而舒嘯或盤桓綠野以搜
吟俯仰覆載徘徊古今所憂者所學未進於道所喜者
所事無媿於心尚圖晚節之益謹而於一動一靜必戰

戰兢、猶履薄而臨深也

沈御史像贊名寅

器識淵々儀容楚楚行篤聖賢學通今古贊彤管於玉
堂執憲綱於烏府班馬同聲桓張接武迨夫稅駕政途
棲迹林莽所愈耽者經史所愈甘者清苦噫豈非誠一
代之偉人於一進一退不愆于素而跬步式由於正路
者邪

鄭郎中良載贊

名門之裔 聖世之英行既云篤經亦云明鄉書膺薦
金榜題名展才猷以翊贊兵刑之政慎始終致淹泥雨

露之榮又獲解組投簪拜天心之俞允枕泉漱石續
谷口之家聲噫斯豈不由平日立身行己之有道則奚
能致晚歲優游桑梓以樂昇平底于長生如是邪

曾憲使燕居像贊名蒙簡

知己富於文學行已用於政事故功越常流名擅當世
然究其所致則非由養於閒居獨處之際而有無媿無
忤于規于矩之美則又曷能得其體用之全備若是歟

時伯雍像贊

溫然其質浩然其氣壯歷仕途老婦故里詩書是耽田
園是藝言不顧行、不失己身安如山心澄如水蓋將

享百年之壽不止而永優游以樂太平之世者也

呂少卿像贊號振鐸

系出名門官居 聖世具真正姿負剛大氣有守有為
惟忠惟義獨醒於衆醉之中孤雄于群雌之外鶴髮童
顏高風雅致其介如石其清如水噫其不特為今之名
流而實古之君子也邪

大常陳少卿像贊 名贊

蔚乎其文篤乎其行本諸貞慤見諸言動于以登玉堂
金馬之高于以任容臺方岳之重不孤所學鈞遠其用
噫人又孰知其達進退之宜未老遽歸脫畧世故不為

形骸所羈以樂其所樂而惟寓情燕娛於吳山之顛越
水之湄而遂夫氣之冲心之夷者也

王都御史像贊名

發身賢科歷宦 聖明考其勲烈之著乎中外則知其
才識之浩乎老成有守有為不驕不矜慎終慎始全節
全名噫宜其 卹典是膺 錫祭于庭而
寵沐其褒旌之也

浙藩李方伯像贊

質美猶玉潤氣和猶春溫名著黃甲學自儒門其居中
毗輔乎廟堂也有猷而有為其補外承宣乎方岳也有
德而有文勲業日以顯名位日以尊噫又可不觀其於
退食之傾携琴引鶴俯仰兩間非徒得造化之妙於鳶
之飛魚之躍而且雍容乎有先天下之憂而憂後天下
之樂而樂之氣象將有日大展夫經綸於臺閣者邪

張方伯像贊

才鍾 聖世系出名門自侯類而名登黃甲繇烏府而
秩進雄藩謹以持身正以蒞事內外交修始終一致矧
當文修武偃之日道明德立之時尚期登庸輔弼接武
臯夔鹽梅舟楫調劑維持大展所學大遂所施益蒼生
之富庶擴 皇風之清夷噫樂只君子邦家之基非君

而誰歟

自贊

壽已及乎百齡官已階乎一品不由者狹邪堪鄙者躓
愆猷為竭所存生死從所稟忠孝心是篤冰檠操是謹
于是兢業於餘年恐不能盡其所當盡也

劉憲副像贊名釘

儼乎儀容凜乎操履懿文獻之名家為忠愍之令子早
登高第簪笏於中臺肅憲紀能正己而正人存陞外臬
奉 敕於列郡謹學規能先仁而先義經史鉅書刑名
飽懋政事公而明文章麗而則致善觀之者其出謙

謙乎才已豐為未足德已修為未及乃期其將來之功
名事業當不止此不可淺而窺易而測也

箴

近菴箴

學貴乎進也則有程欲適千里必自戶庭躡等而進非
畫則止盍謹聖謨陟遐自適必也循序勿驟勿馳日就
月將道豈遠而

為謙齋箴

天道惡盈昭也于茲日中必昃月盈必虧君子斯悟自
牧以卑彼自滿者招損之為惟謙終日胡不致思易有

明訓敬之敬之

琴書自樂箴為陳孟學作

留意於物其必喪志適其所適豈曰耽嗜猗歟琴也性情之資猗歟書也學問之基五絃克理萬卷克閱斯夕斯可企先哲吁嗟陳君蕭灑襟抱于琴于書愛之逾寶以得所好實獲我心長也君子間見于今明月清風一軒如水毋俾塵紛毫釐至止

學者貪睡箴

節尔多勞假尔少息寤而不寐靖而弗逸輾轉兢兢惕惕勿嗜黑甜至喪明德

銘

琴硯銘

瑩而堅温而潤大雅希聲孰啗于韞黑以守之不淄不磷

衍聖公所惠皆木杖銘

聖公所惠防山所植扶顛持危藉尔之力如金之堅如矢之直朝夕在把是偽是則

康干石銘

出康干入中國匪松匪栢匪金匪石堅貞不渝陰晴可測噫殆非墜星之精魄歟

五言古詩

五月二十三日浴罷偶成

清風滌我懷前墀行復坐仰視浮雲翔去來得其所顧
我擗散才天恩久深荷年高返故廬優游亦非過願言
益慎修終始免憊慙

秋日有感書勉諸子

涼飈動高柯落葉墜庭戶節序互變更春來又秋暮人
生百歲中髮黑忽改素當為貴及時其力宜自努不見
庸劣徒終身無所措嗟予日漸老撫景亦深悟

感事

人生貴讀書讀書在明理不能盡當然而乃求茫昧惟
神處冥、事之有次第諸侯事山川天子事天地載諸
典冊間萬古無或異禮儀尊定規柝報守常制夫何左
道人而敢故越禮隙詞瀆上天飛檄褻諸祀欲名青天
雲欲興乂旱雨使無下足言謂有良足鄙所為或苟中
無乃出偶尔蚩氓蔽莫悟達士忍舍恥紛、走街衢競
競勞拜覬徇俗固貽譏瀆禮尤速戾予言匪講張所言
實正議敢告聖賢徒勿媿吾夫子

秋日間居隨興而賦以示諸子

耕桑効勤苦祇為衣食謀衣食或頗給致、奚外求黃

金五六駝貳貽千載羞頓言有餘力經史宜窮搜
夕陽掛桑榆暮景良可悅優游泉石間杖藜歌還涉有
田亦有園子孫儼成列從心任吾好羊腸徒九折
有耳若無聽有目若無視青紅幻黑白陋彼夸毗子聖
經明如日王道平如砥奚為務狹邪有生乃如此
大道日榛蕪人苦昧正學所崇惟勢利所尚惟譖譖身
徒生兩間靡知有媿怍善變即為魯勿謂人皆惡
秋高風露涼明月滿庭戶輾轉不能眠起縱階前步美
人天一方何時遂良晤相思熱中腸坐覺年華暮
秋深晴復雨寒暖無定則朝纔御繒纈夕乃易絺絺調

攝得所宜四體斯安適勿游酬酢間勿謂人皆直
虛齋坐終日涼襲高秋樹攤書閱聖賢殊愜閒中趣人
生各有好惟貴安所遇嗟予髮種々矧敢或踰矩
萬類雖不齊有長即可取胡為不自重甘與齟齬處黃
流與行潦亦各勝所使嗟彼暴棄徒無成不為恥
白露下前墀華月出東嶺愛此夜氣清無心就衾枕烟
烟燈載張我々冠復整竅神理塵編令人發深省
兩深人跡稀自卯而至酉惟理架上書絕飲尊中酒細
忖平生為頗喜無掣肘所志在遺安頭白甘固守
清風入我懷白雲怡我目緬懷千古入何由踵遐躅深

滾塵網中寧能免拘束睇彼霄漢間高飛羨黃鵠
世事日紛々翻覆亦非偶只在是非間伊誰能可否善
惡固自分嘉禾混莠莠所以君子心甘與白雲友
大化司黜陟時或降災沴懷襄与快焚拯救莫能拜玉
燭非未調丞民亦生遂為言果何若堯湯有先備

題山水圖

披圖向高堂憶我西遊日維時春正深韶華徧原隰駿
馬跨離鞍行行隨所適探竒歷太華弔古尋少室晴
峯插漢高弱柳搖風碧泉紆綠水灣杏吐黃沙磧繞道
輿慶宮又抵咸陽驛美酒足傾瀉佳釀任烹炙賞心愜

素懷濡毫難具述便欲寄遐蹤官程苦忙迫須臾出靈
武不憚披荆棘極目青海湄飲自長城窟丈夫立功名
於焉當努力風塵渺瀰漫揚鞭去無極峻陟黑山危險
度黃河急喘彼圖中人荒嬉果何益

吳烈婦

元綱昔解紐四海皆鼎沸猥々草竊徒無復顧倫理誰
知一門內貞烈婦母子視彼獸與禽奚啻土旦尔奮身
不受辱怒罵期必死白刃同蹈之冰壺湛秋水嗟々閨
中柔有此丈夫志我歌雙節篇冀以書信史

圮橋進履圖

祖龍肆苛害韓仇鬱中抱狙擊中副車為計何草幸
焉脫大索皇走周道忽逢百世師授以一編好開卷
悉竒謀何殊獲至寶真人起芒碭挾以弼天造言聽而
計從豈徒除秦暴功成止封留甘心事高蹈願從赤松
遊明哲身竟保回首劉已安高歌覓商皓

喜舜賓自杭而來惜會未及浹旬將復赴館

瑤琴不可彈誰是知音者沉憂結中腸清晨抵深夜間
挹寒梅香逢春花又謝遙睇山頭雲怡悅又難假惟有
聖賢書對越不相捨幸子從西來可罄平生話喜子金
玉資端重更淳雅願子益勉旃勿楚而勿櫟材成棟

梁千金未為價盤桓僅浹旬征車亦將駕苦行不可留
贈言殊鄙野苟以心照燭庶知非苟且尚遲子頻來日
候茅簷下

竹畫

傲彼冰與霜陋此堯與李籜青琅玕鸞停而鳳翥向
我來清風九夏涼如洗願締金石交堅貞保終始

寄南京禮部蕭尚書吏部章侍郎兼簡戶部張

尚書刑部蕭尚書大理廖少卿太學吳祭酒

閒居何所思所思在京國京國多故人岩廊事亦獨自
非挾大器何以當大責簡畀既匪輕宜罄平生力上思

卷八
三
荅 寵榮下冀安民物升沉任去來歲序從遷易孰知
君子心終始秉一德譬彼金石姿堅貞著閱歷如金煉
益精如石擘難泐坦々跡康莊維中以為則晚節許愈
持遠慰長相憶

和一齋胡運副見寄韻

春城萬桃李不恥蜂蝶猜何如孤根梅吐韻須陽回陽
回適未屆甘心淹草萊嶄然保貞固介斧疇能摧調羹
志鼎鼐為梁候風雷挺々冰雪中灑々巖壑隈清芬終
四達喜自東風來

和魏御史異桃韻

大化肆甄陶萬卉固滋息匪藉培溉功曷遂生々德嗟
我階下桃寔我先人植我出倏彫悴我歸傷我臆乃別
侵之蠹乃剪翳之棘微動不倦施生意即攢戟不惟吐
繁花而且結嘉實摘實壽慈母比類美無疋爰致識者
推云是孝感力申章為之慶以表世所特

築堤謠

天吳苦作孽壞此長江堤沃壤變斥鹵平地成深池况
值天雨雪政及農興時凶年轉豐歲須在人維持顧此
長堤壞不葺害無涯鄉老訴縣官縣官惟噉噓至委十
大戶大戶不敢違大戶雖竭力十家豈能支椿石且不

備夫匠尤甚鬻葺寸壤尺可奈心不齊欲求官控
督稅督刑必施刑施先茲頑姦頑生怨咨于是果何若
只顧天垂慈山水勿澎湃江潮勿奔馳移沙與換港扶
桑吐晴曦天吳速悔禍庶免民流離

六言詩

八月十七日過樂丘道中書所見

碧樹山頭僧舍黃茅林下農家滿坂香旂已實沿籬疎
菊將花

推蓬殘月松嶺極目遠寺湖邊出塢樵夫弛擔衝風溪
友鳴舷

二十一日過樂丘

綠野粗營別墅幽居穩勝行窩已遂青山投老渾忘紫
陌鳴珂

七言古詩

苦熱歎

幽齋苦熱如坐甑欲覓清涼豈無徑坐驅此熱良有方
去熱無如此心靜涼颺倏忽西南來若過故人開我懷
况有圖書一萬卷展卷亦足驅炎埃翻思寒暑在天地
暑往寒來乃常理慎勿謂熱能苦人苦人塵務紛如蟻
心能靜熱自無無寒無暑者真丈夫

題鴈

塞北天寒、莫比可愛江南暖如許呼群列隊隨陽來
不居震澤居彭蠡高飛不怕網羅求飢有稻糧渴有水
日融浪跡洲渚濱月明穩宿菰蒲底啁啾豈似乾干雀
忍凍惟甘生處死明年二月懷舊丘歸程又向東風起
江南地大、有容從汝飛來與飛去却嗟江湖流客子
到老不知有鄉里

菜圖為康姪賦

田家儉薄世所傳清厨罕御腥與糴脫粟炊成何所配
青菜爛煮誇新鮮豪門豈不享鍾鼎須識人生各有命

田家自有田家樂淡飯黃齏守閒靜微輸踏踏不到門
菘韭繞屋青勻、更願秋成足禾黍終身食菜何憂貧

菜圖

丈夫平生安淡泊陋巷藟瓢有真樂咀經嚼史勝膏粱
一食萬錢非所學青、况有園中蔬傾筐日、供清厨
炊成糲飯煮為配何曾彈鋏嗟無魚自知不是肉食者
太守何勞親勸駕呻其佔畢守家聲菜根甘咬寒窓下
曾憲使索題澄江別意用陳太常韻答之

丰姿玉雪中仙才華燁、方青年鄉書領薦上京國
策名、在多人前瓊林宴預玳瑁筵不似桃李爭春妍

家聲在續世科第豈蓄尋常溫飽志於時願得展所存
鞠躬盡瘁據匡濟霜臺一旦我身冠 金殿當頭立
丹陛赤心胸中烈日明青雲足下平地生妍媸悉辨猶
秉鑑輕重不失如持衡城狐社鼠皆屏跡公平凜々蜚
英聲々々不特內臺止分憲八閩亦如尔冷冰噉檠篤
清操刮垢磨光等秋水風生一道人共誇群黎按堵春
風裏橫秋一鷲正翱翔除書又拜來 明光湖湘巨鎮
天下重徽垣八座升堂々載旬載宣極民隱不憚山鄉
兼水鄉春花秋月自嫵媚有酒奚暇輕持觴愁來輒起
封章草母老何如相見好謄真上奏 九重天拜許過

於官拜考家林一舸急趨程黃管爛吐花盈庭摘花浸
酒獻母壽兒今稍遂平生情母顏纔悅席未暖天書仍
促湖湘行官舡帖々江水平中流擊楫雙槽鳴武昌千
里尚天末武昌父老先知名兒童竹馬傾城出輿臺画
戟分途迎承流宣化復得體方面歡逾旱逢雨輸忠期
報 聖明主回首還思白頭母懸知才大不可量弼亮
固合登廟廊兩浙長憲昭 皇綱文章政事聲更揚

送徐洪公溥赴春闈

蕭山由來科第窟聯芳競爽森々然或如潛蛟欲變化
或如棲鳳期踔躡鹿鳴宴啓既云捷螢窓豈肯仍留連

東風暖布促征旆梅花香吐開離筵琅玕披腹答
清問策名只候聽臚傳今年秋闈屬大比子又桂籍名
高懸青雲平地足下起一鶚共羨搏蒼天金門只尺不
日到三策會見重敷宣英雄三百揔國器期子之名
在先脫白換綠未云喜酬 恩須擬臯夔賢老夫老矣
老林下惟願後輩光逾前杏園看花宴如畢佳音早附
南歸舡

曉步

林居鎮日欣無事緩步堦苔淨於洗日色晴涵瀚海紅
煙光淡抹秋山紫家之籬落散雞豚處之郊原足禾黍
從知熙皞由 帝力願把昇平紀青史

雪景

我昔承 恩使西夏周道倭遲過秦華重岡複嶺冬正
深貂帽狐裘策官馬黃沙白草風蕭蕭萬玉飛舞長城
頭四圍山岳若銀鑄層冰汨盡黃河流黃河舡膠不可
渡立馬津頭日驚暮天涯萬里魂欲飛手殫面圻將誰
訴張燈呼得關門開關吏熱火噓寒灰同行革囊有酤
酒我性不飲空持杯却懷有友西湖上茅堂此日成清
賞梅花窗外吐清香野藪山肴酌新釀醉來卧隱烏犀
几日斜妻兒呼不起固知仕止有不同故人之樂獨如

此我今乞歸自 九重雪時亦對飛瑤空堆瓊積玉感
天澤謳歌擊壤祈年豐敲門忽云故人到不似王猷空
返棹手持山居對雪圖索我長歌寫圖妙細觀取法高
房山逼真眼底疇能攀我呵凍筆題其間蕪辭似覺難
同看

五言排律

雪中寓興

嘉祥徵歲稔飛雪徧乾坤光妬牕前月寒增郭外村漫
空迷鶴鶴匝地布瑤琨餓雀將垂翅疲民欲斷魂高竈
鳴吻沒重委鵲巢翻訪舊妨移棹尋梅阻出門有詩呵
凍筆無客過華軒辨、梨花舞紛、柳絮屯啓牕驚夜
白籠火覺春溫却憶趨朝日叨 恩賜上尊

和移風大樹詩韻

合抱榭楠質塵中不易尋煙霞恒作伴桃李豈知心
古經年遠根牢入地深日紅騰宿霧月白下胎禽禪榻
分芳潤經龕幕翠陰負新樵每憇避暑客長臨竹傍搖
清影鶯遷弄好音只慚樗櫟混不懼雪霜侵培溉時、
謹瞻依代、欽高標欺朔吹老葉厭秋霖材固知無價
人須拔久沉蘊竒惟我識入賞更誰吟大匠真能顧
明堂足可任孤懷雖蹇、特立聳森、僻處非嫌昔旁

求却值今萬年期力挽會見出幽林

石軒

經鍊補天後媧皇特負來舍負殊不磷歷劫靡成灰嬾
入平泉伴甘充砥柱材麻披彼閃爍虎踞勢崔嵬屬屢
環清泚蒙茸飾翠苔豈云同瓦礫良足並玫瑰體屬流
星化根宜屋土培紓冤禪雪理沒鏃媿疑猜未受為圭
璧寧教滯草萊摩挲從展拂追琢怕罹災鎮宅書堪鄙
支機說可咤冰蔬食加祭雪雪更暄勁質堅逾鍊妍
姿白亞梅震雷驚自若野火灼難摧甘雨頻容沐青山
獨許陪名家須保護作文吐門臺

五言絕句

汛掃先壘既畢旃姪奉画扇求題

先壘滌蒿萊遙從天上回清風挹松底殊慰一生懷

夢中有人求賦滾燈

良宵呈巧藝俗眼共稱奇滾塵盆裏中心自不移

三月三日雪晴寒甚早起偶成

起掃堦前雪寒猶臘盡時貂裘還再擁却負看花期

落日

皎皎初晴候穿雲出樹間餘光燭寰宇殊喜未虧山

自樂

開懷吟好句繞膝戲諸孫賓客頻盈座微科不到門

題画魚

不入漁人釣江湖隨所之尚期春浪暖一躍上天池
鱗鬣生來異優游徧百川禹門桃浪裏點額擬朝天

小孫女以新酒為奉沾醉而賦

入口盎如春從知醇更醇醉來渾不醒何似莫沾唇
斟來近逾滴入口甘如蜜端宜神聖禹從此踈儀狄

晚起見家僮裝雪獅

栗烈苦寒天獐獐若自然不知身是幻敢向太陽眠

先考誕日

屈指仙遊去于今六十年應憐兒抱病還把壽觴傳

五言律詩

閒居寫懷

筋力元難強婦田願不違愛閒還愛靜知足更知幾
飢并新升穀寒修舊賜衣抑詩歌罷處吟對白雲飛

閒居紀興

詔許歸林下幽棲遂夙心逕紆芳草合門掩落花深
引鶴徐步看山歛吟兒孫長繞膝白髮任盈簪

予家於祀事除朔望薦新獻時食外其四仲月
并歲暮必設大祭仍求無嗣者若外祖父李

公外父戴公先師顧公夏公顧公或同日或
異日設作三席或以大祭之前或在大祭之
後而另祭之蓋又以義而起者也景泰甲戌
歲暮其禮既行之矣詩以紀之示子子孫
孫云

義有親疏辨恩無彼此論感時均設奠揮淚揔銷魂歆
享期咸格音容想具存寸忱將世々所托在兒孫

病中

強起理塵編頽然思欲眠雨肥梅子候風落揀花天愈
病藥方已題詩咏未便參苓固相得須熟養生篇

清明連日風雨竟阻祭掃感而賦此

四野羃層陰先塋阻拜臨松楸迷入望風雨倍傷心泥
長松根滑潮添江上深終期有紅日一奠寫哀情

丙子五月十五日雨中寫懷

雨聲鳴盡日水勢逼通衢歌枕難成寐開牖只看書惟
愁秋失望不為食無魚國賦兼民食令人發嘆嗟

安居當 聖世白髮老閒身情適偏甘淡囊空不厭貧
虛名嗟易得實行苦難臻俯仰乾坤內那能似古人

十二月九日喜晴

林屋春來近和風曉入簾玉梅開的々膏雨洒纖々地

暖草將茁冰消水若添東君策義馭靈鵲噪晴簷

廿四日晚用杜少陵日暮詩韻

歲暮日黃昏村深即閉門年飢防寇盜住久樂丘園寒
雨飛松頂清泉溜石根白頭痴坐久却喜燭花繁

自述

簪組辭 丹闕田廬返故園安貧甘守儉寡過貴無言
殊得簞瓢樂渾忘市井喧清閒何所事經史坐幽軒

悶漲

久雨添江漲滔天勢未消平原成巨浸嘉穀壞新苗欲
藉隄防力難施益鋪勞老子林屋下無計坐寥寥

齋居獨坐

時當深夏日猶自有春寒梅彈落將盡泥途濕漸乾兒
孫雖喜大懷抱未能寬只得無拘束還勝昔繫官

夜坐七月一日

展席候昏鐘涼生扇底風林光蟾影度夜色露華濃坐
久欣忘寐詩成媿不工桔槔聲徹曉霖雨望玄穹

邑人延術士祈雨

旱雲江鄉久飛符欲拯災指空呼將吏踟地欲風雷倏
忽雲間起冥濛雨暫來共知為偶爾未足洒炎埃

新涼夜坐

為愛新涼好焚蘭坐夜深聖賢千古友義理一生心
愛月疑眸玩耽詩著意吟翻思候朝日玉漏正沉々

戊寅立秋日漫成

今日新秋屆殊欣暑漸平松篁堅晚翠禾黍就西成
小草隨風靡寒蟄泣露鳴予生將九十雙鬢轉星々

久不過樂丘賦以識吾之戀々耳

閒居清晝永憶昨過閑行月上湖光瑩雲收山氣清
開尊方盡醉回首更留情便欲移家去悠々樂此生

一逕緣松入消閒愜我行岩巒無限美水木有餘清
地僻無塵跡人淳不世情依岩有隣並耕織以為生

境幽形夢寐誰說嬾經行山色連平野湖光接太清
高臺興宿感先壘動深情尚憶尋詩處瑤花匝地生

一逕紆山麓扶藜欵々行塵心隨地遠野趣入詩清
弔古傷遺跡尋幽愜素情歸途度柴嶺又喜月初生

一碧平湖繞舟如鏡裏行荷香隨棹溢山色近人清
渺渺茲辰景悠々太古情徃來當蔗境殊愜我平生

循山宜步入傍水可舟行雞犬緣村靜松篁著處清
岩僧無怪說野老有真情便是桃源裏移居可樂生

去家十里近水陸可兼行門逕容誰雜襟懷足自清
廟廊猶作夢林壑可忘情欲覓耕樵伴誅茅老此生

南齋獨坐

南齋寥泐地竟日坐來清
墻角花從謝堦前草自生
山林殊適願臺閣頓忘情
要路吾知己毋煩記姓名
久旱家禾獨不減故賦此
以為惰者之戒
村々嗟歎歲我稼却豐收
不是叨天幸都緣用力周
登塲顛已畢飽食喜無求
偷惰如能戒凶年亦有秋

二月廿九日清明省母夫人墓

亂石崎嶇眩凌晨入掃松
掘衣裳宿霧含泣向東風
時食聊成薦春暉報莫窮
九原不可作殊覺思忡忡

終慕堂

晨昏愁不已的々為思親
欲展無窮報徒成有恨身
秋霜纔慘臆春雨又傷神
日々羹墻裏難忘洒淚頻

憶故妻

忍自開塵篋憑誰緝
整衣愁來雙洒淚別去六經秋
死决同黃壤生難共白頭
不勝淒絕處寒雨正颼々

哀劉孟熙先生

青紫蟬聯系麻衣老此身
文章千古士風節五朝人
寄傲陶元亮躬耕鄭子真
平生最知己聞訃獨傷神
聞訃獨傷神懷哉席上珍
清風邁流俗高誼薄宮旻
瘳性耽泉石芳名重縉紳
茅堂讀書處無復更相親

無復更相親蓉城去作賓通家遠絕好仁里孰為隣聽
雨西窓夜看花北嶺春青山埋骨處揮淚屢沾巾

喜沈繡衣親家見訪

雲樹相望久茲辰忽見過清尊期共醉衰鬢豈同皤舊
話從前說新詩取次歌只嫌婦又急舟去疾於梭
繡衣明若舊聲望愈崔嵬老髮雖添雪丹心未肯灰敘
情傾綠醕聯步踏蒼苔傾倒須連夕歸帆莫浪催

懷洪聲遠

滾滾塵空裏君能袖拂開不為瑚璉器定作棟梁材親
舍經秋別鱸堂幾日回南齋疑望眼期共菊花杯

閒庭獨步寫懷

循砌步遲堪嗟力未支晚禾思雨日秋暑毒人時煮
茗聊延客濡毫強賦詩閒愁誰可散只覺髮添絲

十月十二日夜步月

杖策紆苔迳清吟月正中隔林燈火近入望水雲空夜
靜無過客風高有斷鴻徘徊來復往此趣許誰同

人日病中

今朝人日是却喜老懷開舊病徐々退新詩款々裁藥
方從客送文債厭人催靈壽牀頭杖將扶出看梅
病稍可憶病中所苦

匡牀無日夜輾轉睡難成世務燕家務風聲更雨聲
聖恩方人念先德又關情得把詩來遣于今得更生

寄江西黃布政琛將樂人

多君情懷、不忘夙相知璧水談經處 皇都握手時
十年成遠別千里拜深思莫怪回音杳西江客路遲

獨坐恐久雨傷麥二月十九日

佳辰當豔冶風景若清秋砭骨寒適切漫天雨不休江
潮平龍麥階潦接河流况是思親日愁添雪滿頭

病中夜坐值烈風雷雨

抱病匡牀夜漫天風雨生未眠三鼓盡並獨對一燈清村

犬號無已總雞栖復鳴焚香候天曙散步暢幽情

春陰

屈指三春盡都能幾日晴遠山連樹暝新漲與堤平處
處鳩將乳家蠶欲生越王臺下路阻却看花行

咏庭鴈

自北南來久春深尚不歸頓忘生處樂綠喜向陽飛未
黍中原盛風沙邊徽微且無矰繳慮誓死欲相依

傷猫為犬所斃

愛尔殊猥捷晨昏在膝前食厨從乞飼卧榻任偷眠獲
鼠功堪紀嘶蟬像可傳無端逢犬齒洒血使人憐

癸未七月處暑無雨時銀一兩可得米四石五斗
處暑今朝是三農望雨來非圖消酷熱急欲潤枯亥海
近潮無上林深草亦推街頭米雖賤未擬不為災

元日即事

年衰人嬾接况雨又兼風小閣從宜坐閒文且勿攻茶
爐湯欲沸香鼎火初紅暗把生平計營上總是空

大行皇帝崩逝哭臨除服書以紀之

鼎湖龍去遠望極九重天已盡三日哭無由祝萬年
深恩夷夏仰大業子孫傳白首遵中制悲來只泫然

紀樂丘甘露降

如飴如蜜美滿樹忽灑靈既來天乳嘉禎感聖皇
珠璣迎日燦蘭麝射觸人香慚愧居林下瞻天百拜嘗

題竹

林立晚蒼琅玕宿鳳凰孫枝凝露密稚子過人長搖
月清聲細當風粉節香敲門有佳客日看無妨

懷舜賓

發解因鄉薦多才不自沾擬登龍虎榜直上帝王都
純孝懷忠養丹誠篤壯圖明年春好日玉髮聽傳爐

和宥甫大叅喜雨韻

至誠神所感甘雨即時傾厲魁知難作新涼喜漸生江

流祐轉溢庭草瘁還榮列郡多公惠年豐樂太平
上蒼由默禱誠達雨隨傾斷港艘仍集蹄涔鮒復生禾
麻咸得濟穰稔亦沾榮四野歌公德婦公翼治平

晚起

攬鏡頭全白推窓日未高世情難遽却家務不勝勞霧
氣侵絺幕霜華點毳袍有兒雙闕下甘旨望婦調

農事告成

南畝功云畢豐年慶足稱刑牲修古錯擬頌入休徵家
食供無匱官租奉有贏謳歌聞遠近慶樂昇平

小閣題曰歲春予燕居所也

晨昏便坐卧一罨淨無埃清逼新吟就幽宜好客來
堆牀經史積繞膝子孫陪和氣從容裏炎涼不敢催

喜冬煖

盡日叨和煦皇天錫至仁萬方同一氣十月似三春籬
菊花存舊庭梅馥吐新羣生惟稽首何以荅洪鈞

不寐

輾轉孤吟處在牀入夜深地偏人跡杳風迴漏聲沉釋
悶聊成句何勞覓管音寒梅香忽度知即是同心

病起不寐

病餘無所事坐久入深更榻冷人無伴窓虛月自明連

村無犬吠隔屋有雞鳴只覺精神爽消閒詩又成

和何進士愛賓慶坊扁韻

投老歸田里長衙列聖恩欲仁惟克已何德敢稱尊
華扁題周道高閔奠厚坤佳章勞展慶銘刻到兒孫

七言絕句

十月一日拜母夫人王氏墓

萬古青山土一抔童顏鶴髮見無由兒心堪與草心比
欲報春暉只淚流

不寐偶成

月上梅梢坐擁衾不眠清夜入更深休官只擬閒如許

百事誰知摠在心

花朝坐雨

良辰鎮日雨泔泔薄暮寒添坐擁衾不飲也須茶當酒
燒紅搨拙到更深

陳鴻以折枝牡丹為奉

國色天香重兩開
遠煩和露折來看高堂挿處春如許
顛祝而翁壽且安

和抑菴王少傅寄戴文進韻

芝眉不覲已多年
脉脉離懷有萬千
欲寄相思尋驛使
詩來却媿又撓先

詩來字字感多情幾度停雲和不成却憶衡門勞屈重
朝回燁燁駐雙旌

閒居林下夷猶泉石感賦三疊

出入金鑿五十年朱衣象簡若神仙乞歸又喜身強健

殊感 天家雨露偏

殊感 天家雨露偏陰桑梓舊園田昇平况值唐虞

日渴飲飢食困即眠

渴飲飢食困即眠兒孫綵服繞堦前青山排闥看無厭
賸有餘閒閱聖賢

寄吏部尚書曹子儀

聯武 清朝共玉除別來忽忽又秋初閒居自分雲泥
隔不是無情不寄書

不是無情不寄書都緣老嬾更迂踈懸知欲問羊來况
化日光天樂有餘

化日光天樂有餘兒孫繞膝更誰如 皇恩日感林泉

下地又天長祝 帝圖

菜園為劉廣文賦

青紫翻風泥露香連畦接曠對書堂吳鹽作配厭晨朝夕
肉食還期入廟廊

肉食還期入廟廊馳峯熊掌侑瓊漿萬錢享却思圖赫

甘分何如此味長
甘分何如此味長
充厨日喜盈筐
好懷抱甕滋培者
滿把曾無得飽嘗

杜甫遊春

憂國憂家歎吟獨騎羸馬入山深
眼前丘壑經行遍
聊寫春來憤懣心

題画

良夜迢迢月正明
石欄干外坐深更
披髯笑罷歌還續
愛殺林居此段清
翠水丹山足賞心
渚荷汀柳夏初臨
推篷一曲昇平調

不識何人是賞音

十一月十八日過樂丘書事

一葉扁舟雪滿頭
清溪曲水悠
喜當愛日如春暖
吟倚篷牕自倡酬

吟倚篷牕自倡酬
波心應許狎輕鷗
梅花開未還須問
望入前山是樂丘
望入前山是樂丘
肩輿登陸任夷猶
湖光山色渾如画
何必登瀛步十洲

蕭翼賺蘭亭圖

羲之筆妙在蘭亭
傳向兀然一老僧
千里蕭郎賺婦獻

却嗟無術秘昭陵

歌器圖

非罄非鐘義莫尋
宣尼獨得古人心
虛歌滿覆中纔正
垂戒何須別有箴

過給事中劉先生世中故居先生未仕時手植
槐于庭曰繫馬槐今已不存庭院非昔先生
無嗣可旤也夫

芍藥紅時綺席開
髻年曾獲侍尊壘
綠陰庭院今非昔
殊憶先生繫馬槐

題小画四景

落紅無數正春深
小艇移來泊水潄
滿目青山如画好
欲從何處覓知音

陰森夏木倚岩阿
小軒窓掩薜蘿
只恐故人歸未得
扁舟何日更相過

千岩萬壑晚偏奇
獲却幽居也自宜
秋色滿天人不見
一舟溪上泊多時

溪南溪北雪紛紛
訪友尋梅嬾出村
冰滑小橋人跡斷
獨宜煨火閉柴門

四皓奕棋圖

晦跡商顏鬢總星
茹芝林下愜閒情
安劉偶出留侯計

贏得青編萬古名

三月九日獨坐南齋有感

飄々林下一閒身草木欣々對晚春兒女滿前成樂趣
天涯多少未歸人

踏雪尋梅

山空歲晚雪漫漫々涉險乘危獨冒寒何似春深萬花裏
香街紫陌步長安

鶯

寒深幽谷未遑喬噤却春聲不敢調奮迅豈無鳩運日
鳳凰枝上許安巢

郊行

麥黃蠶老雨絲々茅屋人家正午炊倚杖看山看不厭
令人却憶在朝時

東阡西陌步徐徐々入望青山雨過初樵子農夫情懇々
無人不說老尚書

棟子花香雨正過秧針刺水漸平坡太平無限田家樂
顛雜春農著短蓑

楊柳人家燕子飛綠濃綠徑覺紅稀多年不踏鄉關路
最喜青山待我歸

晚步

興逐閒雲步轉紆夕陽紅樹著霜初
歸來牕下挑燈坐
最喜心中一事無

題山水扇面

風淒樹老石凌嶒月小山高夜氣清
箕踞松根琴在膝
猗蘭欲鼓有誰聽
迢迢石徑嬾扶藜
步出松關日未西
無限青山看來好
奚囊直得有新題

晚步

棟花風起燕飛
步出溪橋一徑微
最喜晚來詩趣好
山光水色淡斜暉

園居十詠為豐布政賦

重崗複嶺護重重
屹立當門翠紫濃
拄笏終朝看不厭
晚來只怕白雲封

右山隱翠屏

淵源不斷玉無瑕
若帶灣環繞故家
萬里銀河通咫尺
秋風八月可乘槎

右水環碧帶

連畦接疇曲通渠
猶憶先公手自鋤
為政能知民疾苦
都因曾此著工夫

右蔬畦舊業

清芬拂拂散和風
本草參耒種不空
欲拯顛連登壽域
參苓都在我囊中

右藥圃餘香

原隰昉冠一鄉
桑麻渾似午橋莊
尚期功遂名成日

卜築還添綠野堂

右農畝躬耕

溶、新綠滿苔磯兀坐斜陽理釣絲蟻穴蜂衙競名利
個中滋味有誰知

右漁磯獨釣

大地南薰阜物時冰絃彈徹思遲、子期難把黃金鑄
眼底知音却有誰

右南窓琴趣

奕葉詩書積善門燈牕業、繼朝昏吾伊風外來深竹
不是吾兒是我孫

右西塾書聲

故家亭館早春時柳色鶯黃揔散絲拂、東風殊有意
故教長日舞腰支

右柳岸春風

蓮開月吐爛銀塘蓮有清香月有光顯侯相君娛老日

通宵吟對樂徜徉

右藕池秋月

和朱純謝惠曆日韻

大撓甲子拜新頒傍日迎婦勝木難一統萬年周正朔
可忘分惠故人看

乾坤一統喜逢春鳳曆頒來雨露新聞說山中無甲子
便當遙寄隱居人

次使司陳長幕歲暮寫懷韻

廉恥驪龍領下珠甘貧不歎食無魚都緣清淡男兒事
故斥腥羶浣我厨

皎、才華照乘珠行當腰下掛金魚萬錢不羨何曾設

却拜珍羞錫 內廚

賈胡貧富愛藏珠 廉吏甘貧却饋魚 清濁在人從所好
青天白日鑑吾厨

聞鳥聲

金臺蘭省望都迷 兀坐晴窓日漸西 喜助老懷吟好處
幽禽飛傍綠陰啼

庭花盛開因憶去年與家兄同賞

花開歲暮春時憶 得花開酒共持 今日花開思共賞
花前揮淚不勝悲

讀楊文貞公文集有感

同朝廿載辱相知 謗薄曾勞逸大期 今日晴牕覽遺墨
可無清淚哭吾私
青編應有姓名垂
可無清淚哭吾私 贊化調元更有誰 筆底文章乃餘事
青編應有姓名垂
青編應有姓名垂 孤筆何勞苦費辭 只把公忠紀平日
可令千載起深思

坐雨聞江塘將塌

雨聲不輟帶轟雷 汹涌河流已到階 二麥將成淹沒盡
江塘若倒又潮來
江塘若倒又潮來 民物彫傷實可哀 顛扣天門放義馭

閒居容我老懷開
閒居容我老懷開非為區區一已災
萬個生靈萬條命
忍令漂沒等蒿萊

自警

要認今吾即故吾
樂天知命順榮枯
始終不失平生操
方是人間大丈夫

松鼠偷栗圖

蝟囊繞圻著霜初
利嘴枝頭剝自如
飽後也宜存數顆
啼飢還有未來狙

新正謁文廟

毛毳祀衝雨濕濛濛
滑路寒生劈面風
不向人家輕獻歲
此心專在素王宮

對雨

濛濛潤物喜如膏
殘臘新年已十朝
只恐過多傷二麥
衝圻圻岸助春潮

二賢祠在西湖孤山修葺既成聞杭郡耆英該
宴為樂

水滿平湖花滿川
耆英雲集勝群仙
三賢祠復修葺守
嘖嘖功成百世傳
燕語鶯啼正好春
相逢俱是賞心人
一觴一咏崇真率

不讓香山主與賓

苦熱

白頭長日思昏、坐卧渾如有病身、暗數三秋將及半、如何酷熱尚蒸人

遣興

垂老精神醉夢中、秋深炎暑尚當蟲、齋居執熱孤吟處、偶挹南來解愠風

晚步

扶筇石逕步遲、林壑涼生暑退時、老去情懷聊自遣、看山看水只題詩

著霜紅樹晚離、香糯香秔熟漸齊、白紵烏巾印竹杖、江鄉風景不勝題

嘗新稻

太倉屢養又家田、粒粒如珠白更圓、煮就清厨香滿案、未飡何以答皇天

夢中題秋江放棹

夢紅蘋白正清、秋簫鼓尊壘足勝遊、莫向中流恣歡譁、須臾風浪却生愁

夢玉鑑止以江鄉十咏求題既覺止記一題曰
春壇祈穀枕上輒成

多儀楚、一心專彷彿、
萬方隨處樂、
豐年是我心、
便欲乘風叫閭闔、

望雨

茅廬一、
天瓢祈瀉作甘霖、

閱亡兒宗書墓籍

春枝玉樹淨娟娟、
憶著令人淚泫然、
禮樂三千遺奏對、
可憐不及聽臚傳、

憶錢唐先龍生

年高尚憶錢唐路、
非為閒嬉為祖塋、
汎掃子孫雖可代、

倦、還擬盡躬行

聞 大行皇帝遺詔英宗

萬方無處不歸心、
遺詔何期出禁林、
泣盡老臣雙眼淚、
都緣沐得 聖恩深、

憶昔叨卿佐太常、
星軺應召入 明堂、
蒙 恩不鄙非

梁棟峻陟天官佐侍郎

侍郎纔陟又尚書、
生死 天恩不可孤、
今日鼎湖龍去

遠舍哀深媿報難圖

奉天門上選官時、
有罪西廂聽指撝、
頃刻傳 恩宥非

故仍頌瑶席醉彤墀

出入 金門足

五朝五朝偏沐

聖恩饒忍聞

龍馭賓天去老淚題乾痛不消

七十年登數請休一番書上一番留臣今躡踵成何濟

北望橋陵空淚流

衰麻北望只號呼腸斷衰年把杖扶只願上賓資

上帝泰山磐石佑 皇圖

憶昔當年 聖誕時歡呼老稚極華夷上賓應是天求

輔不遂蒼生萬歲期

不憚親征統六師弘文弘武擴邊陲春秋鼎盛殘胡滅

未是賓天晏駕時

玉節金枝陟上方八音遏密徧遐荒堂上宗社遺骸石

萬歲千秋托 嗣皇

上西山母夫人王氏冢

剗荆剪棘曉尋阡古木寒雲泣杜鵑蘋藻薄陳仲蕘事

不禁老淚洒如泉

梧石竹圖

簪管拂翠淨無埃湖石玲瓏鎖翠苔誰道高梧秋正實

明時不見鳳凰來

林園秋景

雲根小朵玉玲瓏截自巫山第一峯植向名園壯秋色

相看還有鴈來紅

過舊宅

一室寥寥，少客來。逶迤石徑盡生苔。荼蘼愛賞花如錦，
花為無人也不開。
花為無人也。不開塵編塞几處成堆。巡簷緩步踟躕處，
無奈秋霜兩鬢催。
無奈秋霜兩鬢催。
無奈秋霜兩鬢催。祖宗根本要人培。傳珪襲組名門事，
只願兒孫個個才。

丙戌正月三日偶成

同雲雪罷尚濛濛，撲面寒增昨夜風。却憶居京當日，
垂紳端笏候朝鐘。
狐裘貂帽苦寒侵。坐擁紅爐款款吟。檢曆又看三日過，
分陰須惜抵千金。

川原風雨圖

驚風疾雨路逢，水拍蘆溝正渺瀰。是我曾為捕蝗使，
往來周道不停時。
往來周道不停時。濕透羶裘只自知。誰識關心在民瘼，
一身何暇恤寒飢。
一身何暇恤寒飢。皇仁盡力為回視。編氓服飛
挽紛，滄泥更離披。

喜何大參李憲僉祈雨有感

漫天甘雨應祈來千里豐年屬挽回盡喜一誠能感格
不教黎庶困炎埃

不教黎庶困炎埃為有調元贊化才原野焦枯頓條達
佳聲應已到蓬萊

佳聲應已到蓬萊佇聽喬遷陟上台澤被蒼生均四海
照、隨處樂春臺

種松德惠祠

泉甘土沃勝徂徠廿萬蒼蚪趁雨栽說與山靈須保護
株、要作棟梁材

喜餅梅插自蓓蕾經春忽開

一枝插向膽餅來蓓蕾經春始漸開雅操亭、渾不減
須知元是不凡材

獨坐小閣忽瞻日上

紙窓日上曉融、一閣全無半點風兀坐微吟煨楮拙
不知林下幾人同

清明感懷

鶯、燕、柳青、觸物令人百感生北轍南轅頭盡白
不堪明日又清明

不堪明日又清明、心親淚若傾却憶先塋須拜掃

兒孫誰個最關情

兒孫誰個最關情個，皆當盡此誠好問長松今合抱
如何培植倍崢嶸

自題小影

看山看水步徐徐，雲淡風輕樂自如
大帶深衣尚初服，教人不識是尚書

登樓

小樓獨上任憑闌，喜得今朝頃刻閒
乘興題詩，即有晚來還擬又看山

題歸去來圖

不事折腰歸故里，甘於漉酒醉斜暉
誰如正得君臣義，千古流芳世所稀

區沐

聖代六朝厚恩官階一品，媿無分寸之報
今年已九十又八，念人之生死猶旦暮之必然
得正而斃幸也，况年已近百，蓋棺之日已近
故預為尔輩之祝，倘至瞑目，慎勿動擾鄉里
經營墳墓，又諸親舊有所賻奠，以玷予之平日
至囑，成化七年九月十九日，父平齋一叟
書遺男序班完等，予昔號南齋，今日平齋者

近辱門下士行人何舜賓所易蓋取書曰天
壽平格之意其詳見兵部尚書友人孫原真
所為記故併及之詩曰

謬登廊廟備驅馳常媿無才咎 盛時斂手足形如有
日只遵遺訓盡當為

南齋先生魏文靖公摘稿卷之八

